

全上古三代秦漢三國六朝文

全梁文卷六十二

烏程嚴可均校輯

陳慶之

慶之字子雲義興國山人從武帝舉義爲主書除奉朝請普通中爲武威將軍迎元法僧還除宣猛將軍文德主帥轉東宮直閤賜爵關中侯大通中爲假節勳勇將軍送元顥入魏還除右衛將軍封永興縣侯出爲持節奮武將軍北兖州刺史中大通中除南北司二州刺史大同中進號仁威將軍卒贈散騎常侍左衛將軍諡曰武

攻滎陽宣喻士眾

吾至此已來屠城略地實爲不少君等殺人父兄略人子女又爲無算天穆之眾竝是仇讎我等纔有七千虜眾三十餘萬今日之事義不圖存吾已虜騎不可爭力平原及未盡至前須平其城壘

諸君無假狐疑、自貽屠脧、梁書陳慶之傳

陳昕

昕字君章、慶之第五子、大同中、爲邵陵王常侍、文德主帥、右衛
仗主、除威遠將軍、小岷城主、遷宣猛將軍、除陰陵戍主、北譙太
守、召疾不之官、又除驃騎外兵、尋爲臨川太守、太清二年、進雲
旗將軍、爲侯景所殺、

陳兵事啟

採石急須重鎮、王質水軍輕弱、恐慮不濟、梁書陳慶之傳

朱异

异字彥和、吳郡錢塘人、宋處士昭之之孫、天監初、爲揚州議曹
從事史、直西省、兼太學博士、遷尙書儀曹郎、兼中書通事舍人、
進鴻臚卿、太子右衛率、加員外常侍、中、太通初、遷散騎常侍、大
同中、遷右衛將軍、加侍中、太清中、遷左衛將軍、又遷中領軍、卒、

贈侍中尚書右僕射有周易集注一百卷

用飲引

卜田宇兮京之陽面清洛兮背修邨屬風林之蕭瑟值寒野之蒼茫鵬紛紛而聚散鴻冥冥而遠翔酒沈兮俱發雲拂兮波揚豈味薄于東魯鄙密甜于南湘于是客有不速朋自遠方臨清池而滌器闢山牖而飛簾促膝兮道故久要兮不忘閒談希夷之理或賦連翩之章裁文類聚七十二

為武帝草張纘為尚書僕射詔

纘外氏英華朝中領袖司空呂後名冠范陽可尚書僕射梁書張纘傳又

見南史五十六呂為朱异草詔

祀明堂議

祀明堂改服大裘又呂貴質不應三獻禮云朝踐用大罇鄭玄云大罇瓦也有虞氏瓦罇此皆是宗廟猶呂質素況在明堂理不容

象尊也郊祀貴質器用陶匏宗廟貴文誠宜雕俎明堂之禮于郊
爲文比廟爲質請改器用純漆庶合文質之衷舊儀豈遽求神初
獻清酒次醴終醢禮畢太祝取俎上祭肉當御前曰受俎五帝天
神不可求之于地二郊主祭無受肉之禮請停三獻灌鬯及授俎
之法止于一獻清酒舊用太牢案郊用蘭麝詩云配文王于明堂
有維牛維羊良由周監二代其義貴文明堂方郊未爲極質故特
用三牲今斟酌百王義存通典蔬果之薦雖符周禮而牲牢之用
宜遵夏殷請自今明堂牲用特牛通典四十四

四望議

望是不卽之名豈容局于星海拘于岳瀆隋書禮儀志一天監六年議者曰爲北郊有岳
鎮海濱之座而又有四望之
度疑爲煩重儀曹郎朱異議

零祭燔柴議

案周宣雲漢之詩毛注有燔埋之文不見有燔柴之說若曰五帝

必柴今明堂又無其事隋書禮儀志二天監十年儀曹郎朱异議

更議復四望

鄭眾云四望謂日月星海鄭玄云謂五岳四鎮四瀆尋二鄭之說互有不同竊已望是不卽之名凡厥遙祭皆有斯目豈容局于星漢拘于海濱請命司天有關水旱之義爰有四海名山大川能興雲致雨一皆備祭隋書禮儀志二天監十一年帝曰四望之事頃來遂絕宜更議復朱异議

封陽侯不應殤服議

禮年雖未及成人已有爵命者則不爲殤封陽侯年雖中殤已有拜封不應殤服隋書禮儀志二天監十四年舍人朱异議又見通典八十二

廟祀加一鉶羹議

二廟祀相承止有一鉶羹蓋祭祀之禮應有兩羹相承止于一鉶卽禮爲乖請加熬油尊羹一鉶隋書禮儀志二天監十六年十月舍人朱异議

元法僧內屬議

自王師北討、剋獲相繼、徐州地轉削弱、咸願歸罪、法僧懼禍、
之至、其降必非僞也、梁書朱異傳

請改郊祀儀注

禮大裘而冕、祭昊天上帝、五帝亦如之、良由天神高遠、義須誠質、
今從況祭五帝、禮不容文、

齊儀初獻、樽彝、明堂實質、不應三獻、又不應象樽、禮云、朝踐用太
樽、鄭云、大樽瓦也、記又云、有虞氏瓦樽、此皆在廟所用、猶曰質素、
況在明堂、禮不容象、今請改用瓦樽、庶合文質之衷、

宗廟貴文、故庶羞百品、天義尊遠、則須簡約、今儀注所薦、與廟不
異、卽理徵事、如爲未允、請自今明堂有膳、準二郊、但帝之爲名、本
主生育、成歲之功、實爲顯著、非如昊天義絕言象、雖曰同郊、復應
微異、若水土之品、蔬果之屬、猶宜已薦止用、梨棗橘栗四種之果、
薑蒲葵韭四種之蔬、梗稻黍粱四種之米、自此已外、郊所無者、請

並從省除

隋書禮儀志一天監十年儀曹郎朱异曰爲云云

明堂既汎祭五帝不容的有先後東階而升宜先春帝請改從青帝始

明堂遵豆等器皆曰雕匏尋郊祀貴質改用陶匏宗廟貴文誠宜雕俎明堂之禮既方郊爲文則不容陶匏比廟爲質又不應雕俎斟酌二途須存厥衷請改用純漆

舊儀明堂祀五帝先酌鬱鬯灌地求神及初獻清酒次酬終醑禮畢太祝取俎上黍肉當御前曰授請依郊儀止一獻清酒且五帝天神不可求之于地二郊之祭並無黍肉之禮並請停灌及授俎法

舊明堂皆用太牢案記云郊用特性又云天地之牛角繭栗五帝既曰天神理無三牲之祭而毛詩我將篇云祀文王于明堂有維羊維牛之說良由周監二代其義貴文明堂方郊未爲極質故特

用三牲止爲一代之制今斟酌百王義存通典蔬果之屬雖符周禮而牲牢之用宜遵夏殷請自今明堂止用特牛既合質文之中又見貴誠之義

隋書禮儀志一

到洽

洽字茂公彭城武原人宋驃騎將軍彥之曾孫天監初爲太子舍人累遷司徒主簿尚書殿中郎太子中舍人侍讀學士國子博士出爲臨川內史還除太子家令遷給事黃門侍郎兼國子博士太子中庶子普通初遷尚書吏部郎領尚書左丞進御史中丞出爲貞威將軍雲麾長史尋陽太守大通元年卒贈侍中諡曰理子有集十五卷

奏劾劉孝綽

攜少姝於華省棄老母於下宅

梁書劉孝綽傳

周弘正補太學博士議

周郎年未弱冠便自諱一經雖曰諸生實堪師表無俟策試陳書
正傳博士
到洽議

劉昭

昭字宜卿平原高唐人晉太尉寔九世孫天監初爲奉朝請遷
征北行參軍尙書倉部郎除無錫令歷宜惠豫章王中軍臨川
王記室遷通直郎出爲郟令有後漢書注一百二十五卷幼童
傳十卷集十卷

鈔集議祭六宗論

虞書曰肆類于上帝禋于六宗望于山川伏生馬融曰萬物非天
不覆非地不載非春不生非夏不長非秋不收非冬不藏禋于六
宗此之謂也歐陽和伯夏侯建曰六宗上不謂天下不謂地旁不
謂四方在六者之間助陰陽變化者也孔安國曰精意曰享謂之
禋宗尊也所尊祭其祀有六埋少牢于太昭祭時也相近于坎壇

祭寒暑也。王官祭日也。夜明祭月也。幽榮祭星也。雩祭水旱也。禋于六宗。此之謂也。孔叢曰。宰我問六宗于夫子。夫子荅如安國之說。臣昭曰。此解若果是夫子所說。則後儒無復紛然。文秉案。劉歆曰。六宗謂水火雷風川澤也。賈逵曰。六宗謂日宗月宗星宗岱宗海宗河宗也。鄭玄曰。六宗星辰。司中司命風伯雨師也。星五緯也。辰謂日月所會十二次也。司中司命文昌第五第四星也。風伯箕也。雨師畢也。晉武帝初。司馬紹統表駿之曰。臣已爲帝在于類。則禋者非天。山川屬望。則海岱非宗。宗猶包山。則望何秩焉。伏與歆達失其義也。六合之間。非制典所及。六宗之數。非一位之名。陰陽之說。又非義也。并五緯目爲一。分文昌目爲二。箕畢旣屬于辰。風師雨師復特爲位。立之失也。安國案祭法爲宗。而除其天地于上。遺其四方于下。取其中已爲六宗。四時寒暑日月眾星并水旱所宗者八。非但六也。傳曰。山川之神。則水旱厲疫之災。于是乎祭。

之日月星辰之神則雪霜風雨之不時于是乎祭之又曰龍見而
雩如此祭者祀日月星辰山川之名雩者周人四月祭天求雨之
稱也雪霜之災非夫祭之所禳雩祭之禮非正月之所祈周人之
後說有虞之典故于學者未盡喻也且類于上帝卽禮天也望于
山川崇所及也案周禮云昊天上帝日月星辰司中司命風師雨
師社稷五祀五嶽山林川澤四方百物又曰兆五帝于四郊四類
四望亦如之無六宗之兆祭法云祭天祭地祭時祭寒暑日月星
祭水旱祭四方及山林川谷丘陵能出雲爲風雨見怪物皆是有
天下者祭百神非此族也不在祀典復無六宗之文明六宗所禋
卽祭法之所及周禮之所祀卽虞書之所宗不宜特復立六宗之
祀也春官大宗伯之職掌玉作六器曰禮天地四方曰蒼璧禮天
曰黃琮禮地曰青圭禮東方曰赤璋禮南方曰白琥禮西方曰玄
璜禮北方天宗日月星辰寒暑之屬也地宗社稷五祀之屬也四

方之宗者。四時五帝之屬也。如此則羣神咸秩而無廢。百禮徧修而不瀆。于理爲通。幽川秀才張髦又上疏曰。禋于六宗。禮祖考所尊者六也。何曰。攷之周禮及禮記王制。天子將出。類于上帝。宜于社。造于禴。巡狩四方。覲諸侯。歸格于祖禴。川特堯典亦曰。肆類于上帝。禋于六宗。望于山川。徧于羣神。班瑞于羣后。肆覲東后。叶時月正日。同律度量衡。巡狩一歲。曰周。爾乃歸格于執祖。用特。臣曰。尙書與禮王制同事一義。符契相合。禋于六宗。正謂祀祖考宗廟也。文祖之廟。六宗卽三昭三穆也。若如十家之說。旣各異義。上下違背。且沒乎祖之禮。攷之禮。攷之祀典。尊卑失序。若但類于上帝。不禋祖禴而行。去時不告。歸何曰格。曰此推之。較然可知也。禮記曰。攷政必本于天。穀曰降命。命降于社。之謂穀地。降于祖廟。之謂仁義。降于山川。之謂興作。降于五祀。之謂制度。又曰。祭帝于郊。所曰定天位也。祀社于國。所曰列地利也。祭祖于廟。所曰本仁也。山

川所曰備鬼神也。五祀所曰本事也。又曰禮行于郊而百神受職焉。禮行于社而百貨可極焉。禮行于祖廟而孝慈服焉。禮行于五祀而正法則焉。故自郊社祖廟五祀義之修而禮之藏也。凡此皆孔子所曰祖述堯舜紀三代之教著在祀典首尾相證皆先天地次祖宗而後山川羣神耳。故禮祭法曰七代之所更變者禘郊宗祖明舜受終文祖之廟察璇璣攷七政審己天命之定遂上郊廟當義合堯典則周公其人也。郊祀后稷曰配天宗祀文王于明堂曰配上帝是曰四海之內各曰其職來祭者也。居其位攝其事郊天地供羣神之禮巡狩天下而遺其祖宗恐非有虞之志也。五嶽視三公四瀆視諸侯皆曰案先儒之說而曰水旱風雨先五嶽四瀆從祖考而次上帝錯于肆類而亂祀典臣曰十一家皆非也太學博士吳商曰爲禋之言煙也。三祭皆積柴而實牲體焉。曰升煙而報陽非祭宗廟之名也。鄭所曰不從諸儒之說者將欲據周禮

禮祀皆天神也。日月星辰司中司命風師雨師凡八而日月并從郊。故其餘爲六宗也。曰書禮于六宗與周禮事相符。故據目爲說也。且文昌雖有大體而星名異其日不同。故隨事祭之。而言文昌七星不得徧祭其第四第五此爲周禮復不知文昌之體而又妄引爲司中司命箕畢二星。既不係于辰且同是隨事而祭之例。又無嫌于所係者。范甯注虞書曰攷觀眾議各有說難。鄭氏證據最詳。是目附之。案六宗眾議未知孰是。虞喜別論云地有五色太社象之總五爲一則成六六爲地數。推案經句闕無地祭則祭地臣昭曰六宗紛紜眾釋互起竟無全通亦難偏折。歷辨顧儒終未擬正。康成見宗是多附焉。盡各爾志宣尼所許顯其一說亦何傷乎。竊目爲祭祀之敬莫大天地。虞典首載彌久彌盛此宜學者各盡所求。臣昭謂虞喜目祭地近得其實而分彼五色合五爲六又不通禮更成疑昧。尋虞書所稱肆類于上帝是祭天天不言天而曰

上帝帝是天神之極舉帝則天神斯盡日月星辰從可知也禋于六宗是實祭地地不言地而曰六宗宗是地數之中舉中足目該數社稷等祀從可知也天稱神上地表數中仰觀俯察所目爲異宗者崇尊之稱斯亦盡敬之謂也禋也者埋祭之言也實瘞埋之異稱非周禮之祭也夫置字涉神必目今之示今之示卽古之神所目社稷諸字莫不目神爲體虞書不同祀名斯隔周禮改燔音形兩異虞書改上正元祭義此焉非疑目爲可了豈六置宗便爲傷祭乎風俗通曰周禮目爲橧燎祀司中司命文昌上六星也橧者積薪燔柴也今民猶祠司命耳刻木長尺二寸爲人像行者置篋中居者別作小居齊地大尊重之汝南諸郡亦多有者皆祠目猪率曰春秋之月後漢志祭祀中注

難晉劉世明論久喪不葬服

喪無二孤廟無二主受弔之禮唯喪主拜稽顙餘人喪踊而已諸

言喪主唯謂一人不斥眾子世明固云若屍柩無所葬者則爲後者與眾子同除矣

通典一百三

注補續漢書八志序

臣昭曰昔司馬遷作史記爰建八書班固因廣是曰十志天人經緯帝政紘維區分源奧開廊著述創藏山之祕寶肇刊石之遐貫誠有繁于春秋亦自敏于改作至于永平執簡東觀紀傳雖顯書志未聞推檢舊記先有地理張衡欲存炳發未有成功靈憲精遠天文已煥自蔡邕大弘鳴條寶多紹宣協妙无卓律厯已詳承洽伯始禮儀克舉郊廟社稷祭祀該明輪駢冠章車服瞻列于是應譙續其業董巴襲其軌司馬續書總爲八志律厯之篇仍乎洪邕所構車服之本卽依董蔡所立儀祀得于往制百官就乎故簿並籍據前修目濟一家者也王敎之要國典之源粲然略備可得而知矣旣接繼班書通其流貫體裁淵深雖難踰等序致膚約有傷

懸越後之名史弗能罷意叔駿之書是謂十典矜緩殺青竟亦不成二子平業俱稱麗富華轍亂亡典則偕泯雅言遽義于是俱絕沈松因循尤解功創時改見句非更搜求加藝文已爲前棄流書品採自近錄初平永嘉圖籍焚喪塵消煙滅焉識其限借南晉之新虛爲東漢之故實是已學者亦無取焉范曄後漢良誠跨眾氏序或未周志遂全闕國史鴻曠須寄勤閑天才富博猶俟改具若草昧厥始無相憑據窮其身世少能已畢遷有承考之言固深資父之力太初已前班用馬史十志所因實多往制升入校部出二千載續志昭表已助其閒成父述者夫何易哉況曄思雜風塵心撓成毀弗克員就豈已茲乎夫辭潤婉瞻可得起改覈求見事必應寫真故序例所論備精與奪及語八志頗寢其美雖出拔前羣歸相公也又尋本書當作禮樂志其天文五行百官車服爲名則同此外諸篇不著紀傳律曆郡國必依往式曄遺書自序應徧作諸

志前漢有者悉欲備製卷中發論曰正得失書雖未明其大旨也
曾臺雲構所缺過乎榱桷爲山霞高不終踰乎一壘鬱絕斯作吁
可痛哉徒懷續緒理慙鉤遠逌借舊志曰補之狹見寡陋匪同博
遠及其所值微得論列分爲三十卷曰合范史求于齊工孰曰文
類比茲闕恨庶賢乎已昔褚先生補子長之削少馬氏接孟堅之
未畢相成之義古有之矣引彼先志又何猜焉而歲代逾邈立言
湮散義存廣求一隅未覩兼鍾律之妙素指校讎參厖算之微有
慙證辨星候祕阻國緯藏嚴是須甄明每用疑略時或有見頗邀
傍遇非覽正部事乖詳密今令行禁止此書外絕其有疏漏諒不
足誦

明汪文盛刊本

賜進士出身二品銜廣東等處提刑按察使司按察使兼管驛傳事務高岡王毓藻校刊

全梁文卷六十二

全晉文卷六十三

烏程嚴可均校輯

劉綏

綏字含度，昭子。歷安西湘東王記室，遷中錄事。卒。有集四卷。

照鏡賦

夜籌已歇，曉鐘將絕。窗外明來，帷前影滅。荆王欲起，侍妾應還。前齊上帳，內閣除關。開屏易履，捲簾難攀。握頭斂髻，釵子縈鬟。階邊就水，盤中光映。訝宿粉之猶調，笑殘黃之不正。欲開奩而更飾，乃當窗而取鏡。臺本王官氏姓溫，背後銘文宜子孫。四面迴風若流水，句欄匝匝似城闔。分明似無礙，影前彌可愛。近來顏色不須紅，卽時好眉猶約黛。世閒好鏡自無多，唯聞一箇比姮娥。曾經玉女照，屢被仙人磨。光明粉可憐，缺五論時不假著。法用自應須，夏天金薄漠。秋日寶葉黃，銀纏辟鬼呪。翠卮護身符，空處宜應描。非是畏釵梳，藝文類聚七十

祖暅

暅一作暅之字景燦范陽薊人齊長水校尉冲之子天監初爲員外散騎侍郎後遷至太府卿

奏請用祖冲之甲子元祿

臣先在晉已來世居此職仰尋黃帝至今十二代祿元不同周天斗分疏密亦異當代用之各垂一法宋大明中臣先人攷古法目爲正祿垂之于後事皆符驗不可改張

隋書律祿志中天監三年下詔定祿祖暅奏

奏改祿宜在來正

史官今所用何承天祿稍與天乖緯緒參差不可承案被詔付靈臺與新祿對課疏密前期百日竝又再申始自去冬終於今朔得失之效竝已月別啟聞夫七曜運行理數深妙一失其源則歲積彌爽所上脫可施用宜在來正

隋書律祿志中天監八年十一月祿奏

渾天論

自古論天者多矣，而羣氏紛紜，互相非毀，竊覽同異，稽之典經，仰觀辰極，俯矚四維，觀日月之升降，察五星之見伏，校之呂儀象，覈之呂晷漏，則渾天之理信而有徵。輒遺眾說，附渾儀云。考靈曜先儒求得天地相去十七萬八千五百里，呂晷景驗之，失于過多，既不顯求之術，而虛設其數，蓋誇誕之辭，非聖人之旨也。學者多因其說而未之革，豈不知尋其理歟？抑未能求其數故也。王蕃所攷較之前說，不啻減半，雖非揆格所知，而求之呂理，誠未能遙趣其實。蓋近密乎，輒因王蕃天高數，呂求冬至，春秋分日高及南戴日下去地中數法，令表高八尺，與冬至景長一丈三尺，各自乘并而開方除之，爲法。天高乘表高爲實，實如法而一，得四萬二千六百五十八里有奇，卽冬至日高也。呂天高乘冬至景長爲實，實如法，得六萬九千三百二十里有奇，卽冬至南戴日下去地中數也。求春秋分數法，令表高及春秋分景長五尺三寸九分，各自乘并而

開方除之爲法因冬至日高實而日法除之得六萬七千五百二里有奇卽春秋分日高也日天高乘春秋分景長爲實實如法而一得四萬五千四百七十九里有奇卽春秋分南戴日下去地中數也南戴日下所謂丹穴也推北極里數法夜于地中表南傳地遙望北辰紉星之末令與表端參合日人目去表數及表高各自乘并而開方除之爲法天高乘表高數爲實實如法而一卽北極細星高數也天高乘人目去表爲實實如法卽去北戴極下之數也北戴斗極爲空桐日去赤道表裏二十四度遠寒近暑而中和二分之日去天頂三十六度日去地中冬夏春秋辰昏晝夜皆同度也而有寒暑者地氣上騰天氣下降故遠日下寒近日下暑非有遠近也猶火居上雖遠而炎在旁雖近而微視日在旁而太居上而小者仰矚爲難平觀爲易也由視有夷險非遠近之效也今懸珠于百仞之上或置之于百仞之前從而觀之則大小殊形先

儒弗斯取驗用繁翰墨夷途頓轡雄辭折辨不亦迂哉今大寒在
冬至後二氣者寒積而不消也大暑在夏至後二氣者暑積而未
歇也寒暑均和乃在春秋分後二氣者寒暑積而不平也譬之火
始入室而未甚溫弗事加薪久而愈熾既移遷之猶有餘熱也月
行有中道有陰道有陽道如姜岌說周髀云日徑千二百五十里
蓋天乖謬已詳前識無足采焉曰渾象言之失于過大矣張衡日
月共徑當天周七百三十六分之一地廣二百三十二分之一案
此而論天周分母圓周率也地廣分母圓徑率也曰人約之得周
率九十二徑率二十九其率傷于周多徑少衡之疏也衡曰日月
之徑居一度之半又言八極之維既非攷定日月之徑又不明其
理飾辭華說不足窮覈者也望日月法立于地中曰人日屬徑寸
之管而望日月今日月大滿管孔及定管長曰管徑乘天高管長
除之即日月徑也月陰精也其形圓其質稟日之光而見其體日

光不照則謂之魄故月望之月日月相望人居其間盡觀其質故形圓也二弦之月日照其側人觀其旁故半魄半明也晦朔之月日照其表人在其裏故形不見舊說日月行九道斯蓋未究月行之變而假爲其說謹案著作郎張東對三道九行曰案漢天文志日有三道月有九行者謂日月行黃道爲得其正或行黃道外或行黃道內內外及正行因名三道故曰房有四表三道日月經房星南門卽爲早經房星北門爲水日有三道者但內外差及正行之道也月有九行謂青道一出于黃道東赤道二出于黃道南白道二出于黃道西黑道二出于黃道北故鄭玄注月令立春春分日行青道月爲之佐立夏夏至日行赤道月爲之佐立秋秋分日行白道月爲之佐立冬冬至日行黑道月爲之佐故月之九行非爲黃道外別有九道交橫繹絡貫于纏舍但爲日月旣爲動物不能不小有盈縮或行黃道內外又案日月立春合宿在營室卽

北方之星色當言黑春分宿日在奎奎爲西方之宿色當言白而鄭玄言立春春分日行赤道蓋日歲起于春春在于東東方色青故起青號南西及北三方準此故知日月共有三道實無九行但曰因八節之差順四時之色曲爲立名故月行言九直舉其實故曰道稱三三道九行其義一也則云日之三道躔于二十八宿月之九行經于八節宿

隋書天文志上開元占經一

姜岌此言非也星猶月稟日之光然後乃見若星在日裏則應盈魄今旣不然故知星在日表而常明也案星體自有光曜非由稟日始明今星宿有時食月在魄中分明質見則是星行亦在月裏不專在表又姜岌承二燭爲喻理亦迂迴非實驗也

開元占經一

推地中法

先驗昏旦定刻漏分辰次乃立儀表于準平之地名曰南表漏刻上水居日之中更立一表于南表影末名曰中表夜依中表日望

北極樞而立北表令參相直三表皆曰懸準定乃觀三表直者其
立表之地即當子午之正三表曲者地偏僻每觀中表已知所偏
中表在西則立表處在地中之西當更向東求地中若中表在東
則立表處在地中之東也當更向西求地中取三表直者爲地中
之正又曰春秋二分之日旦始出東方半體乃立表于中表之東
名曰東表令東表與日及中表參相直是日之夕日入西方半體
又立表于中表之西名曰西表亦從中表西望西表及日參相直
乃觀三表直者即地南北之中也若中表差近南則所測之地在
卯酉之南中表差在北則所測之地在卯酉之北進退南北求三
表直正東西者則其地處中居卯酉之正也

隋書天文志上祖暅
錯綜經注曰推地中

其法
云云

朱史

史爵里未詳

定天論

日一千六百七十里，周天六十萬二千二十一里，徑率求之得十九萬四千一百六十四里，卽天東西南北相去之數也。求之得九萬七千六百里，卽春秋分日天去地之數也。夏至日天去地上八萬一千三百九十四里，冬至之日爲天去地上十萬六千二十里也。開元占經一

虞履

履爲上林館學士

應制旨推日行度數

臣履等謹奉依敕旨案推厯法表景長短之差，日行南北之道，旁攷經記，近較目前，莫不事事符合，昭然可見。謹略條度如左：日道圓周三百六十度，分爲十二辰，辰三十度半。春秋分出卯入酉，冬至則出辰入申，夏至則出寅入戌。春秋分日出卯，左右十五度，冬

至日出卯南去卯中二十四度則是侵辰九度夏至日出卯北去卯中二十四度則是侵寅九度春秋分日入酉左右亦各十五度冬至日入西南去酉中二十四度是侵申九度北極璇璣玉衡上當天之北五十五度北去黑山頂三十六度夏至日在天南十二度春秋分日在天南三十六度冬至日中日在天南五十度冬至日中日去金剛南三十度開元占經一

虞僧制

僧制會稽餘姚人天監初為法官

斷景慈證母事啟

案子之事親有隱無犯直躬證父仲尼為非景慈素無防閑之道死有明日之據陷親極刑傷和損俗凡乞鞠不審降罪一等豈得避五歲之刑忽死母之命景慈宜加罪辟隋書刑法志天監三年八月建康女子任提女坐誘口當死其子景慈對鞠辭云母實行此是時法官虞僧制啟稱云云又見通典一百六十七

虞卿

瞬天監中爲治書侍御史遷尙書祠部郎有集十卷

奏彈伏暉

臣聞失忠與信一心之道已虧貌是情非兩觀之誅宜及未有陵
犯名教要冒君親而可緯俗經邦者也風聞豫章內史伏暉去歲
啟假曰迎妹喪爲解因停會稽不去入東之始貨宅賣車曰此而
推則是本無還意暉歷典二邦少免貪濁此自爲政之本豈得稱
功常謂人才品望居何遠之右而遠曰清公見擢名位轉隆暉深
誹怨形於辭色與居歎咤寤寐失圖天高聽卑無私不照去年十
二月二十一日詔曰國子博士領長水校尉伏暉爲政廉平宜加
將養勿使志望致虧士風可豫章內史豈有人臣奉如此之詔而
不亡魂破膽歸罪有司擢髮抽腸少自論譟而循奉愾然了無異
色暉識見所到足達此旨而冒寵不辭去斯苟得故曰士流解體

行路沸騰辨跡求心無一可恕竊曰嘔踴踴落魄三十餘年皇運勃興咸與維始除舊布新濯之江漢一紀之間三世隆顯曾不能少懷感激仰荅萬分反覆拙謀成茲巧罪不忠不敬于斯已及請曰嘔大不敬論曰事詳法應棄市刑輒收所近獄洗結曰法從事如法所稱嘔卽主臣謹案豫章內史臣伏嘔含疵表行藉悖成心語嘿一違資敬兼盡幸屬昌時擢曰不次溪壑可盈志欲無滿要君東走豈曰止足之歸負志解巾異乎激處之致甘此脂膏孰非荼苦佩茲龜組豈殊繚緤宜明風憲肅正簡書臣等參議請曰見事免嘔所居官凡諸位任一皆削除

梁書伏嘔傳

陳宣懋

宣懋錢唐人

陶隱居井欄記

先生丹陽陶仕齊奉朝請壬申歲來山棲身高靜自號隱居同來

弟子吳郡陸敬游其次楊王吳戴陳許諸生供奉隋宇湖乳潘邈及遠近宗稟不可具記悠悠歷代詎勿識焉梁天監三年八月十五日錢塘陳宣懋記

景定楚康志

傳岐

岐字景平北地靈州人齊南郡內史傅珍孫天監中爲國子明經生除南康王宏常侍遷行參軍兼尙書金部郎除加新令入爲廷尉正兼中書通事舍人遷監遠岳陽王記室參軍除建康令復爲舍人遷安西中記室鎮南諮議參軍太清初遷太僕司農卿三年遷中領軍

魏通和好議

高澄旣新得志何事須和必是設間故令貞陽遣使令侯景自疑當曰貞陽易景景心不安必圖禍亂若許通好政是墮其計中且彭城去歲喪師渦陽復新敗退今便就和益赤國家之弱和不可

許南史傳致傳

太清二年

王僧辯

僧辯字君才太原祁人天監中隨父神念歸國爲湘東王國左
常侍隨府轉丹陽尹參軍會稽中兵荊州中兵武寧廣平二郡
太守還爲王府中錄事隨府入爲護軍司馬除江州司馬監安
陸歷新蔡太守又隨府除荊州諮議參軍歷竟陵太守太清末
進領軍將軍日平河東王譽及守巴陵功進征東將軍開府儀
同三司江州刺史封長寧縣公日復鄖州功加侍中尙書令征
東大將軍承聖初日平侯景功進鎮衛將軍司徒揚州刺史改
封永寧郡公日平陸納破武陵王紀及齊寇功加太尉車騎大
將軍尋爲大都督荊州刺史敬帝卽位進驃騎大將軍中書監
都督中外諸軍事錄尙書尋納貞陽侯爲陳霸先所襲遇害案
辯勸進梁元帝三表載文類聚文苑英華日爲沈炯作英華別
有僧辯答貞陽侯二書誤日爲徐陵作既改列梁闕名中而日

梁書所載二啟及陳書御覽所載姑編入僧辯文侯攷定

檄

凡諸部曲平使招攜投赴戎行前後行集霜戈電戟無非武庫之兵龍甲犀渠皆是雲臺之仗

御覽二百九十九引三國典略蕭明王僧辯書案肅明末審所謂必有脫

誤據語意當是移檄文

與貞陽侯淵明啟

自秦兵寇陝臣便營赴援緩及下船荆城陷沒卽遣劉周入國具表丹誠左右勳豪初並同契周旣多時不還人情疑阻比冊降中使復遣諸處詢謀物論參差未甚決定始得侯瑱信示西寇權景宣書令曰眞跡上呈觀視將帥恣欲同泰若一朝仰違大國臣不辭灰粉悲梁祚永絕中興伏願陛下便事濟江仰藉皇齊之威憑陛下至聖之略樹君已長雪報可期社稷再輝死且非忝請押別使曹沖馳表齊都續啟事日間伏遲拜奉在促

梁書王僧辯傳

重與貞陽侯啟

員外常侍姜曷還奉敕伏具動止。大齊仁義之風曲被鄰國，卹災救難，申此大猷。皇家枝國，莫不榮荷。江東冠冕，俱知憑賴。今敢不忘信，信實由衷。謹遣臣第七息顯，顯所生劉并弟子世珍，往彼充質。仍遣左民尚書周弘正，至歷陽奉迎。鱸舫浮江，俟一龍之渡。清宮丹陛，候六傳之入。萬國傾心，同榮晉文之反。三善克宣，方流宋昌之議。國祚旣隆，社稷有奉，則羣臣竭節，報厚施于大齊。戮力展愚，效忠誠于陛下。今遣吏部尚書王通奉啟。日聞梁書王僧辯傳

荅許亨

省告承有朝授，良爲德舉。卿操尚淳深，文裁該洽，學優而官，自致青紫。況久羈駿足，將成頓轡。匡輔虛聞，期寄實深。旣欣遊處，用忘勞風。而枳棘栖鶴，常已增歎。夕郎之選，雖爲清顯，位日才升，差自無愧。且卿始云知命，方聘康衢，未有執戟之疲，便深夜行之慨。循

復來翰殊用慨然古人相思千里命駕素心不昧。盜限城闔存顧之深荒慙無已。陳書許亨傳亨爲太尉王僧辯從事中郎管安王承制授給事黃門侍郎亨奉義辭府僧辯啓

元樹

樹字秀和

梁書作君立

魏咸陽王禧第六子仕魏爲宗正卿天監八

年來降封魏郡王改封鄴王拜員外散騎常侍普通中爲平北將軍北齊兗二州刺史率眾迎元法僧還遷持節督郢司霍三州諸軍事雲麾將軍郢州刺史加散騎常侍安西將軍中大通中徵侍中鎮右將軍出爲使持節鎮北將軍都督北討諸軍事進據譙城爲魏將杜德所擒死于永寧佛寺魏孝靜時追贈侍中都督青徐兗揚豫五州諸軍事太師司徒尙書合揚州刺史在梁遺魏公卿百寮書

魏室不造茲豎擅朝社稷阽危綴旒非譬元又險惡狼戾人倫不齒屬籍疏遠素無間望特曰太后姻婭早蒙寵擢曾不懷音公行

反噬肆茲悖逆人神同憤自頃境土所傳皆云又狠心蠱毒藉權位而曰滋含忍詔詐與日月而彌甚無君之心非復一日篡逼之事旦暮必行抑又聞之夫名曰出信信曰制義山川隱疾且猶不曰名成師兆亂巨君不臣求之史籍有自來矣元又大名夜叉弟羅實名羅刹夜叉羅刹此鬼食人非遇黑風事同飄墮嗚呼魏境離此二災惡木盜泉不息不飲勝名梟稱不入不爲況昆季此名表能噬物日露久矣始信斯言況乃母后幽辱繼主蒙塵釋位揮戈言謀王室不在今日何謂人臣諸賢或奕世載德或將相繼踵或受任累朝或職居機要或姻戚匪他或忠義是秉俛眉逆手見制囚威臣節未申徒有勤悴又聞自義專政億兆離德重曰歲時災厲年年水旱牛馬殪路桑柘焦枯饑饉相仍菜色滿道妖災告譴人皆歎息漚澗西北羌戎陸梁泗汴左右戎漕流離加曰剖斲忠賢殲殄宗室哀彼本邦一朝橫潰今旣率師將除君側區區之

懷庶令冠屨得所大慙同必誅之戮魏祀無忽諸之非魏書元叉傳法僧反

拔後樹道公
卿百寮書

元法僧

法僧魏道武子陽平王熙之曾孫仕魏爲太尉行參軍轉通直

郎監遠將軍司徒司馬塋龍驤將軍益州刺史熙平初徵拜光

祿大夫出爲平東將軍兗州刺史轉安東將軍徐州刺史梁書武帝

紀作鎮東將軍孝昌初自稱尊號梁書本傳改元天啟自普通六年據

彭城來降授侍中司空封始安郡公大通中加冠軍將軍中大

通中轉車騎將軍進太尉領金紫光祿大夫立爲東魏王不行

授使持節散騎常侍驃騎大將軍開府儀同三司郢州刺史大

同二年徵爲侍中太尉領軍師將軍卒年八十三

上孝明帝告急表

臣忝守遐方變生慮表賊眾侮張所在疆盛統內城戍悉已陷沒

全梁文卷六十三

丁以作

十

近州之民亦皆擾叛唯獨州治僅存而已亡滅之期非旦則夕臣
自思忖必是死人但恐不得謝罪闕庭既忝宗枝累辱不淺若死
爲鬼永曠天顏九泉之下實深重恨今募使開行偷路奔告若臺
軍速至猶希全保哭送使者不知所言

魏書元法僧傳法僧爲益
州刺史合境皆反上表

賜進士出身一品銜廣東等處提刑按察使司按察使兼管驛傳事務黃岡王毓藻校刊

全梁文卷六十三終

全梁文卷六十四

烏程嚴可均校輯

張纘

纘字伯緒，緬第三弟。天監中，尚富陽公主，拜駙馬都尉，封利亭侯，補國子生，除祕書郎，遷太子舍人，轉洗馬中舍人。普通初，遷太尉諮議參軍，尚書吏部郎長，兼侍中。大通初，出爲寧遠華容公長史，行琅邪彭城二郡國事，隨府遷北中郎長史，南蘭陵太守，加貞威將軍，行府州事。徵拜度支尚書，出爲吳興太守，大同中，徵爲吏部尚書，進尚書僕射，遷宣惠將軍，丹陽尹，未拜，改使持節，湖州刺史。太清中，徵爲領軍，改授使持節，平北將軍，監糧校尉，雍州刺史。岳陽王詒不受代，見殺。元帝承制，贈侍中，中衛將軍，開府儀同三司，謚簡憲公，有鴻寶十卷。本傳作一百卷集十一卷。本傳作二十卷

秋雨賦

霖霖興乎爽節。膚寸起于曾岑。乃娛情而悅體。猶冬陽與夏陰。零南帷以寓目。傲北戶而披襟。商律戒于茲辰。涼雨感而已作。甘泉集而溟溟。油雲興而漠漠。溫緇革于早暮。炎涼改于今昨。乍斜檐而上階。或從風而灑幕。周小庭而密下。泣高枝而疏落。淥池泛澹。員波儵鑠。低昂弱篠。葳蕤叢薄。藝文類聚二

南征賦

歲次姬訾。月帷中呂。余謁帝于承明。將述職于南楚。忽中川而反顧。懷舊鄉而延佇。路漫漫曰無端。情容容而莫與。乃弭節歎曰。人之寓于宇宙也。何異夫栖蟪之爭戰。附螭之遊禽。而盈虛倚伏。俯仰浮沈。矜榮華于尺景。總萬慮于寸陰。彼忘機于粹日。乃聖達之明箴。妙品物于貞觀。曾何足而繫心。撫余躬之末迹。屬興王之盛世。蒙三樂之休寵。荷通家之渥惠。登石渠之三閣。典校文乎六藝。

振長纓于承華、眷儲皇之上、處居銜觴而接席、出方舟曰同濟、彼
華坊與禁苑、常宵盤而晝憩、思德音其在耳、若清塵之未逝、經二
紀目及茲、悲明離之永翳、惟平生之偏能、實有志于棲息、慙滅沒
之千里、謝韓哀于八極、如簞裘之代用、譬輪轅之曲直、愧周任之
清規、諒無取于陳力、逢濯纓之嘉運、遇井汲之明時、懷君恩而未
荅、顧靈瑣而依遲、總端揆曰居副、長庶僚而稱師、猶深泉之短綆、
若高壩而無基、伊吾人之罪薄、豈斯滿之能持、奉皇命曰奏舉、方
驅傳於衡疑、遵夕宿曰言邁、戒晨裝而永辭、行搖搖于南逝、心眷
眷而西悲、爾乃橫濟牽牛、俯瞻雉廬、前觀隱服、卻視雲布、追晉氏
之啟戎、覆中州之鼎祚、鞠三川于茂草、露西京于朝露、故黃旗紫
蓋、運在震方、金陵之兆、允符厥祥、及歸命之銜璧、爰獻璽于武王、
啟中興之英主、宣十世而重光、觀其內招人望、外攘千紀、草創江
南、締構基址、豈徒能布其德、主晉有祀、雲漢作詩、斯干見美而已

哉乃得正朔相承于茲四代多歷年所三百餘載割疆場于華戎
拯生靈于宇內不被髮而左衽繫明德其是賚次臨滄之層巘尋
叔竇之舊堦蘊珠玉之餘潤昭羅綺之遺妍懷若人之遠理豈喜
愠其能遷雖魂埋于百世猶映澈于九泉經法王之梵宇觀因時
之或躍從四海之宅心故取亂而誅虐在蒼精之將季翦洪柯已
銷落旣觀蝸而逞刑又施獸而爲譴侯高議曰巧笑俟長星而懼
噓何懞懞之黔首思假命其無託信人欲而天從爰物觀而聖作
我皇帝膺籙受圖聰明神武乘璽而運席卷三楚師克在和仁義
必取形猶積浹應若飄舉于是殪桑林之封豨繳青丘之大風戢
干戈曰耀德肆時夏而成功放流聲于鄕衛屏豔質于傾宮配軒
皇曰邁迹豈商周之比隆化致升平于茲四紀六夷膜拜八蠻同
軌敎穆于上庠宛申于大理顯三光之照燭降五靈之休祉諒殊
功于百玉固無得而稱矣沛金牛之迅渚觀靈山
魏文類聚作靈清之雄

壯實江南之巨壑、平雲霄而竦狀、標素嶺乎青壁、葢燕文于翠嶂、

跳巨石已驚湍、批衝巖而駭浪、鏟千尋之峭岸、

其文類聚作峭峯

深萬流

之大壑、隱日月已蔽虧、搏風煙而回薄、崖映川而晃朗、水騰光而

倏燦、積霜霰之往還、鼓波濤之前卻、下流沫已存險、上岑釜而將

落、聞知命之是虞、故違風而靡託、訊會骸之詭狀、云怒特之來奔、

及漁人之垂餌、沈潛鎖于洪源、鑿幽塗于忠武、馳四馬之高軒、不

語神已徵怪、情存之而勿論、屢姑熟之舊朔、訪遺迹兮宣武、挾仲

謀之雄氣、朝委裘而作輔、歷祖宗之明君、猶負芒于盛主、勢傾河

已覆岱、威回天而震宇、雖明允之篤誠、在伊稷而未舉、矧有功而

無志、豈季葉其能處、懼貽笑于文景、憂象賢之覆餗、雖苞葉已代

興、終夷宗而殄族、彼詹石之贏儲、尙邀之而俟福、況神明之大審、

乃闇于天祿、造局鍵之候司、發傳書于關尉、據輶轅乎伊洛、守

衡津于河渭、無矯且已招賓、闕捐繻而待貴、實祗敬于王典、懷鞠

躬而屏氣、惟函谷之襟帶、疑武庫之精兵、採風謠于往昔、聞乳獸
于盛成、在當今而簡易、止譏鑒其姦情、陋文仲之廢職、鄙彭門之
食征、于是近睇赭岑、遙瞻鵲岸、島嶼蒼茫、風雲蕭散、屬時雨之新
晴、觀百川之浩沔、水泓澄已闌夕、山參差而辨旦、忽臨睨于故鄉、
眇江天其無畔、遡洄流而右阻、遵長薄而左貫、獨向風已舒情、塞
芳洲其誰荷、息銅山而繫纜、訪叔文之靈宇、得舊名而猶存、皆攢
蕪而積楚、想夫君之令問、實有聲于前古、拯巴漢之廢業、爰配名
于鄒魯、辨山精已息訟、對祠星而寤主、每撫事已懷人、非末學其
能覩、嘉梅根之孝女、尙乘肥于媵姬、嗟吳人之重辟、憂峻網于將
貽、彼沈瓜而顯義、指滄波而爲期、此浮履已明節、赴丹燭其何疑、
信理感而情悼、實悽悵于余悲、空沈吟已遐想、愧邯鄲之妙詞、望
南陵已寓目、美牙門之守志、當晉師之席卷、豈藩籬而不庇、攜老
弱于窮城、猶區區乎一簣、雖挈瓶之小善、實君子之所識、闕一是

謂事人之禮入雷池之長浦想恭岱之芳塵臨魚宮已輟膳踐寒
蒲之抽筠又有生爲令德沒爲明神或捐家事主攜手拜親或正
身殉義哀感市人所已家稱純孝國號能臣揚清徽于上列並異
世而爲鄰發曉渚而邇風苦神吳之難習岸曜舟而不進水騰沙
已驚急天瞠瞠其垂陰雨霏霏而來集愍征夫之勞瘁每舉帷而
佇立由江施之派別望彭匯之通津塗未中乎及絳日已盈于淡
旬于是千流共歸萬嶺分狀倒景懸高浮天瀉壯清江洗滌平湖
夷暘耀光轉彩出沒搖漾岷山峩家悠遠寂寥青溢赤岸控沙引
潮望歸雲之翳翳揚清風之飄飄界飛流于翠薄耿長虹于青霄
若夫灌莽川涯層潭水府游泳之所往還喧鳴之所攢聚羣飛沙
漲掩薄草渚奇甲異鱗雕文絳羽聽寡鶴之偏鳴藝文類聚作聆
寡鶴之偏鳴
聞孤鴻之慕侶在客行而多思獨傷魂而悽楚美中流之衝要因
習坎以守固既因之而設險又居之而務德南通珠崖夜郎西款

王津華墨、莫不內清姦、外弭苛慝、籬屏京師、事有均于齊德也。眎匡嶺、已躊躇、想霞裳于雲、伋流姬娥之逸響、發王子之清韻、若夜光而可投、豈榮華之難擯、羨還丹其何術、佇一九于來信、徑遵途乎鄂渚、述孫氏之霸基、陳利兵而蓄粟、抗十倍之銳師、在賢才之必用、寧推誠而忍欺、圖富強、已法立、屬貞臣而日嬉、識徐基于江畔、云釣臺之舊址、方戰國之多虞、猶從容而宴喜、欲輔吳之忠諫、歎仲謀之虛己、處君臣而竝得、良致霸其有已、伊文侯之雅望、誠一代之偉人、彌觀書、已心服、玉比德而譽均、邁時雄之應運、方協義、已經綸、名既逼而愈賞、言雖聞而彌親、惜勤王于延獻、俾漢京之惟新、何天命其弗與、悲盛業之未申、汎蘆洲、已延佇、聞伍員之所濟、出懷珠而免讎、歸投金、已荅惠、彼無求于萬鍾、唯長歌而鼓枻、慨斯誠之未感、乃沈軀、已明誓、空負恨其何追、徒臨滄而先祭、及旋師于鄧國、美邀福于來裔、入郢都而抵掌、壯天險之難窺。

允分荆之勝略、成百代之良規、賈生方于指大、應侯譬之木拔、所
呂居宗振末、強本弱枝、間古今之通制、歷盛衰而不移、可不謂然
與美經國之遠體也、酌忠言于城郢、橋終古之芳猷、忘我躬之匪
聞、顧社稷而懷憂、服莊王之高義、乃徵名於夏州、恥蹊田之過罰、
納申叔之嘉謀、觀巫臣之獻策、鑒周書曰明喻、何自謀其多僻、要
桑中而遠赴、若榛申之誅丹、實匡君曰成務、在兩臣而優劣、居二
主其竝裕、臨赤崖而慷慨、推雄圖於魏武、乘戰勝曰長驅、志吞吳
而并楚、總八州之毅卒、期姑蘇而振旅、時有便乎建瓴、事無畱于
蕭斧、霸孫赫其靈奮、杖遺俗之英輔、裂宇宙而三分、誠決機乎一
舉、嗟立德之矯矯、思興復于舊京、招卧龍于當世、配管仲而稱英
收散亡之餘弱、結與國而連橫、延五紀乎岷漢、紹四百于炎精、望
巴丘曰遠回、遵洞庭而做悅、沈輕舟而不繫、何靈胥之浩蕩、眺君
祠之雙峯、徒臨風曰增想、儼瑤觴而一酌、駕彩蜺而獨往、爾乃南

奠衡霍、北距沮漳、包括沅澧、汲引瀟湘、漉漉長邁、漫漫回翔、蕩雲
沃日、吐霞含光、青碧潭嶼、萬頃澄澈、綺蘭從風、素沙被雪、雜雲霞
日舒卷、開河洲而斷絕、回曉仄於中川、起長飈而半滅、稅遺構之
舊、補瞻泊羅、目隕泗、豈懷寶而迷邦、猶殷勤而一致、蘊芳華、日裴
積、非黨人之所媿、合小雅之怨辭、兼國風之美志、譬彈冠而振衣、
猶自別于泥滓、且殺身、已成義、靈露才而揚己、悲先生之不辰、逢
椒蘭之妬美、有驂驪而不馭、焉遑遑于千里、既踐境、目思人、彌流
連、其無已、修行僚之薄薦、敢憑誠于沼沚、謁黃陵而展敬、奠瑤席
乎川渚、具蘭香、日膏沐、懷椒糈而要之、延帝子于三后、降夔龍于
九疑、騰河靈之水駕、下太一之靈旗、撫安哥、日會儼、疏緩節而依
遲、日徘徊、日將暮、情眇默而無辭、愜秦皇之川幸、尤土壤、日加戮、
昧天道之無親、勤望祀、日祈福、將人怨而神怒、故飛川而蕩谷、推
冥理、日歸賢、遂刊山而積木、于是下車、人部、班條理務、砥課庸、荷

夕惕兢懼存問長老、隱恤氓庶、奉宣皇恩、覽徭省賦、遠哉盛乎斯
邦之舊也、有虞巡方、曰託終、夏后開圖而疏決、太伯讓嗣、曰來遊、
曰臣祈仙而齊潔、固是明王之塵軌、聖賢之蹤轍也、若夫屈平懷
沙之賦、賈子遊湘之篇、史遷摘文、曰投弔、揚雄反騷而沈川、其風
謠雅什、又是詞人之所流連也、亦有仲宣感德、仍世相繼、父子三
台、緇衣改敝、古初抱于烈火、劉先高而忤世、蔣公瑒之弘通、桓伯
緒之匡濟、鄧充時之絕迹、谷思恭之蓀麗、實川嶽之精靈、常開出
而無替也、至于殊庭之客、帝鄉之賢、神奔鬼化、吐吸雲煙、玉笥登
之而卻老、金人植杖、曰尊泉、蘇生騎龍而出入、處靜駕鹿、曰周旋、
配北燭之神女、偶南榮之偃佺、時髣髴其遙見、亦往往而有焉、爾
乃歷省府庭、周行街術、山川遠覽、邑居近悉、割黔中、曰置守、獻青
陽而背質、鄒生所謂還舟、楚王于焉乘駟、巡高山之累仞、褒吳文
之爲宰、彼非對而八王、皆國士而身醢、在長沙而著令、經五葉其

未改知天道之福謙勝一時之經始尋太傅之故宅今築室曰安
禪邑無改于舊井尙開流而冽泉懷伊管之政術遇庸臣而見遷
終被知于時主嗟漢宗之得賢受齊居之遠託豈理謝而生全哀
懷王之不秀遂抱恨而傷年修定祀於北郭對林野而幽藹庶無
吐于馨香祀瓊茅而沃醑景十三曰啟國惟君王其能大迨炎正
之中微實斯藩而是賴顧四阜之紆餘乍升高曰遊目審山川之
面帶將取名于衡麓下瀾漫曰爽塏上欽虧而重複風瑟瑟曰鳴
松水琤琤而響谷低四照于若華竦千尋于建木翼鸞塵之可屏
登巖阿而寤宿捨域中之常戀慕遊仙之靈族是時涼風暮節萬
實西成華池迴遠飛閣淒明嘉南洲之炎德愛蘭蕙之秋榮下名
柑于曲榭采芳菊于高城樹羅軒而竝列竹被嶺而叢生翫棲禽
之夕返送旅雁之晨征悲去鄉而遠客寄覽物而娛情惟傳車之
所躋實應揚其是掌或解組曰立威乍露服而加賞遵聖主之恩

刑荷天地之厚德、沾河潤于九里、澤自家而刑國、闕小道之可觀、
蓋畏塗其易克、盼高衢而願騁、憂取累于長纆、聞圜石之非據、承
炯戒乎明則、愧壽陵之餘子、學邯鄲而匍匐也、梁書張纘傳大同九年爲使持節都督湘桂南寧三州諸軍事湘州刺史遷職經途乃作南征賦其詞云云又見藝文類聚二十七

離別賦

并序

太常劉侯前輩宿達、余在統緒之歲、固已欽其風矣、及理棹江干、
攬涕還望、采蕭之詠、不覺成篇、

彼劉侯之矯矯、承世德之清輝、挺荆衡之箇輅、耀江漢之珠璣、昔
相知于一定、逾盛衰乎二紀、豈因媒旨成親、非彈冠而來仕、分自
諧于金石、情冥符乎蘭芷、忘時輩之後先、略相知之年齒、及胥遇
于雲閣、又方駕而聯曹、宵擁衾而暗語、晝稅鞅以遊遨、案方前而
等食、衣共體而同袍、猶合歡之蠲忿、如來蘇之釋勞、唯吾人之與
子兮、諒不言其已召、在百代而奚殊、雖千年而同調、蓋風波之所

移、豈流俗之能要、非高唱而云擬、逢下士而或笑、隔願言于信次、
尚眷眷而興懷、矧雲崖之遠訣、抱離袖而長乖、願龍門而掩涕、瞻
鄧路而何偕、在驚禽之展感、追徂年之將暮、眺湘沅之分流、遵洞
庭之永路、山峻高而易隱、浦遶迴而難泝、猿啾啾而夜吟、鴈初學記作
騷騷而曉度、撫客子兮其何心、能辭鄉兮別故、共抱荃蕝之遺
芳、不離披于霜露、藝文類聚三十初學記十八

懷音賦 并序

西平劭陵王昌親賢近能、作蕃夏首、下走叨竊時命、驅傳湘羅、久
託下風、素蒙淑願、及塗經鄢郢、淹泊累旬、君王彈隨珠于千秋、乃
貽之曰麗則、詩云懷我好音、敢爲懷音賦云爾、

伊宗周之令望、巡召南而述職、襟帶鄖夏之鄉、宣條江漢之域、服
詩書于懷袖、抱仁義于胸臆、總九德以棲身、橫四溟而撫翼、循微
躬之末迹、認馳傳于衡疑、山洲庭而左轉、指鄢郢而爲期、仰芳塵

于夏汭、路將近而彌滋、棹凌波已過務、舟望浦而倦遲、自清光之
未觀、逾一紀已歷茲、敢憑情于往昔、逢君恩之未遺、陪桂苑之良
遊、接蘭臺之高會、既醉酒已飽德、亦傾羞而緩帶、感平原之愛客、
傷岐路之難留、戀西園之餘賞、沅南浦之徂舟、結煩言于將贈、情
有重平琳球、願龍門其不見、過夏首而西浮、申服義之未沫、長記
言于還郵、藝文類聚 三十一

妬婦賦

惟婦怨之無極、羌于何而弗有、或造端而構末、皆莠言之在山、常
因情引起恨、每傳聲而妄受、乍隔帳而窺屏、或覘窗而瞰牖、若夫
室怒小憾、反目私言、不忍細念、皆成大冤、閨房之所隱私、牀第之
所討論、咸一朝之發洩、滿四海之囂喧、忽有逆其妬鱗、犯其忌制、
赴湯蹈火、瞋目攘袂、或棄產而焚家、或投兒而害壻、藝文類聚 三十五

瓜賦

惟茲瓜之實茂，體太素之純精。翕玄潤于浮霄，含皇澤于夏庭。于是蒼春發歲，天地交和。乃啟沃壤，是殖是播。納佳植于畦畹，應時運而剖牙。揮萌散葉，載葉負柯。蔚甘鬱蒼，莽蒼婆娑。晞慶雲以吐蕤，仰旭日之敷華。朝希重陽，夕承朗月。清露湛而霄降，翔風穆以晨發。振柯條之繞若，願惠氣以滋悅。感靈化而細細，覩佳實之竝結。始懷微而苦發，終感宮而甘通。信不和而自馨，與九鼎乎齊功。蔓草是藉，密葉是蔽。潛湫獨熟，墮莖落蒂。芬馥酷烈，氣暘雲際。申狄不能詳其味，隸首不能爲之計。昔東陵之甘瓜，美顯名于中古。彼服閭之攸檐，乃眾仙之所賂。美人神之同好，何厭用之弘普。惟令實于無窮，永可殖于靈圃。

藝文類聚
卷八十七

擬若有人兮

若有人兮，傍巖石，新葍衣兮，杜衡席。表幽居兮，翠微上，臨春風兮，聊騁望。日已暮兮，夕雲飛，懷君王兮，未能歸。

藝文類聚
卷五十六

讓吏部尚書表

漢革民曹、魏仍東揆，毛孝先已清公見美。盧子若已貞固任職，降及晉代，希視其人。樂彥輔雍容自守，當時恨其寡譽。山巨源意存賞拔，不免與世浮沈。鄧攸牧馬家庭，何益止競之操。卞壺如金丸在石，未聞檢裁之功。魏文類聚四十八初學記十一

讓尚書僕射表

自出守股肱，入尸衡尺，可已仰首伸眉，論列是非者矣。而寸衿所滯，近蔽耳目，淡淺清濁，豈有能預。加已矯心飾貌，酷非所聞。不喜俗人與之共事。已上梁書無雖復吐言如傷，屈體無骨，動容竊斧，猶成

多憾。曾聞如關，坐客恆滿，情態參差，世塗盈虛，蕙昔興謏，含塵見猜。疑侶雖分，聖賢致惑，人之包藏，山川非險，況在於臣，焉可證綜。

梁書張纘傳 文類聚四十八

謝東宮資國啟

性愛山泉頗樂閑曠雖復伏膺堯門情存魏闕至於一丘一壑自謂出處無辨常願卜居幽僻屏避喧塵傍山臨流面郊負郭依林結宇憩桃李之夏陰對徑開軒采橘柚之秋實而王畿陸海畝號一金涇渭土膏豪傑所競徒居好時必侍使越之裝別館河陽亦資收荆之富此園左帶平湖修陂千頃右臨長薄清潭百仞前逼逸陌朝夕爽塏後望鍾阜表裏烟霞每賸春迎夏華卉競發背秋向冬雲物澄霽歸瞰戶牖不異登臨升降晴暝已窮歷覽舟楫所屆累日不能究其源魚鳥之豐山澤不能喻其美

藝文類聚
六十五

謝皇太子賚果然褥啟

伏以狐裘熊席徒負舊名玄豹青狸未能適體嚴冰在節朔風結宇吹綸愧暖挾纈慙溫但勤非伏寢恩重夜覆道媿經明坐叨重席仰榮俯媿進退在顏

藝文類聚
九十五

與陸雲公叔襄兄晏子書

都信至承賢兄子賢弟黃門殞折非唯貴門喪賢實有識同悲痛
惋傷惜不能已已賢兄子賢弟神情早著標令弱年經目所覩殆
無再問懷橘抱柰稟自天情倨坐列薪非因外獎學已聚之則一
箸能立問已辯之則師心獨寤始踰弱歲辭莠通洽升降多士秀
也詩流見與齒過肩隨禮殊拜絕懷抱相得忘其年義朝遊夕宴
一載于斯翫古披文終晨訖暮平生知舊零落稍盡老夫記意其
數幾何至若此生寧可多過賞心樂事所寄伊人弟遷職瀟湘維
舟洛浦將離之際彌見情款夕次帝郊亟淹信宿徘徊握手忍分
岐路行役數年羈病侵迫識慮惛恍久絕人世憑几口授素無其
功翰動若飛彌有多愧京洛遊故成成雲雨唯有此生音塵數嗣
形迹之外不爲遠近隔情襟素之中豈已風霜改節客遊半紀志
切首丘日望東歸更敦昔款如何此別永成異世揮袂之初人誰
自保但恐衰謝無復前期不謂華齡方春掩質埋玉之恨撫事多

情想引進之情懷抱素篤友于之至兼深家寶奄有此恤當何可

言臨白增悲言已無次梁書陸雲公傳

詒湘東王書

河東載櫓上水欲襲江陵岳陽在雍其謀不逞周書蕭譽傳

河東已登櫓上水將襲荊州梁書張翥傳

河東起兵岳陽聚米共為不逞將襲江陵梁書河東王譽傳續密

未二句但作將來襲江陵

丁貴嬪哀策文

故塗既敗桂嶺虛凝龍帷已薦象服將升皇帝傷璧臺之永闕悼

曾城之不踐罷鄉歌平燕樂廢徹齊于祀典風有采蘋化行南國

爰命史臣俾流嬪德其辭曰

軒緯之精江漢之英歸于君袂生此離明誕自厥初時維載育樞

電繞郊神光照屋爰及待年含章早穆聲被洽陽舉宣中谷龍德

在田、聿恭茲祀、陰化代終、王風攸始、動容諮式、出言顧史、宜其家人、刑于國紀、膺斯眷命、從此宅心、狄綴采珩、珮動雅音、日中思戒、月滿懷箴、如何不跖、天高照臨、玄統其修、禕章早缺、成物誰能、芳猷有烈、素魄貞明、紫宮炤晰、逮下靡傷、思賢罔蔽、躬儉則節、昭事惟虔、金玉無玩、筐篚不捐、祥流德化、慶表親賢、甄昌軼啟、孕魯陶燕、方論婦教、明章闢席、玄池早扃、湘沅已空、展衣委華、朱轡寢迹、慕結儲闈、哀深蕃辟、嗚呼哀哉、令龜兆良、葆引遷祖、具僚次列、承華接武、日杳杳、日霾春風、淒淒而結緒、去曾掖、日依遲、飾新宮而延佇、嗚呼哀哉、啟丹旗之星旒、振容車之黼裳、擬靈金而鬱楚、泛悽管而凝傷、遺備物乎營寢、掩重閣于室皇、椒風暖兮猶昔、蘭殿幽而不陽、嗚呼哀哉、側聞高義、彤管有輝、道變虞風、功參唐跡、婉如之人、休光赤舄、施諸天地、而無朝夕、嗚呼哀哉、梁書高祖丁貴嬪傳

故左氏尚書忠子沈惜身墓誌銘

漸東振古龜組三襲政若解繩吏如燥涇十升龍管四至九卿居
高首映比德晉明

蘇文類聚
四十八

中書令蕭子顯墓誌

君狀貌巨墟風神磊落開瞻動于容止英奕發于流盼筆鋒席上
皆如素蓄切問近思見稱閑敏帝嘗顧問君曰我撰通史若成眾
史可廢乃荅詔曰仲尼贊易道黜八索述職方除九丘聖制符同
復在茲日儲君毓德少陽情協陳阮親妙思式表玄后

蘇文類聚
四十八

張綰

綰字孝卿緬第四弟初爲國子生對策高第除長兼祕書郎遷
太子舍人洗馬中舍人中書郎國子博士出爲北中郎長史爾
陵太守還除員外散騎常侍權知丹陽尹事遷中軍宣城王長
史改御史中丞出爲豫章內史復爲御史中丞加通直散騎常
侍太清中進左衛將軍遷吏部尙書元帝承制授侍中左衛將

軍相國長史、出爲持節雲麾將軍、湘東內史、及卽位、徵爲尚書右僕射、加侍中、有集十一卷、

龍樓寺碑

蓋聞井魚之不識巨海、夏蟲之不見冬冰、故知局于泥蟄者、未測滄溟之浩沔、篤于一時者、寧信寒暑之推移、何異乎玩卽世而弗悟于生死之流、耽假樂而迷于眞覺之觀、銘曰、

識相裁萌、無明重蔽、五住次起、四生無際、苦海倒流、業風橫厲、彼岸何遠、津航絕濟、輕毛易轉、花木難留、實逢象正、悟彼生修、照曜眞法、逍遙寶舟、占彼勝地、胥宇攸宅、遙川縈帶、峻矩盤桓、霞生蓮堞、風起長瀾、冬室停煥、夏臺增寒、

蘇文類聚
七十六

賜進士出身二品銜廣東等處提刑按察使司按察使兼管驛傳事務黃國主毓藻校刊

全梁文卷六十四終